

ԳՈՐԱՆ ՑԵՂԱՄԻԱՎՈՐՈՒՄԸ

Գորան կամ գուրան անվանումը լայն իմաստով գիտական գրականության մեջ կիրառվում է գորանի լեզվով (ավելի ճիշտ գորանիի բարբառներով) խոսող գորանիախոս էթնիկ խմբերին բնորոշելու համար (գորան եզրի մասին մանրամասն՝ Ասատրյան): Սակայն պետք է ճշտել, որ այս անվանումը պատկանում է, նախև առաջ, գորան ցեղամիավորմանը և միայն հարմարության համար կիրառվում գորանիախոս մյուս զանգվածների համար (Minorsky, p. 77): Այսպիսով, պետք է տարբերակել գորան ժողովուրդը (գորանիախոս էթնիկ տարրը) և գորան ցեղամիավորումը¹, որին էլ մանրամասն կանդրադառնանք այս ակնարկում:

Տեղաբաշխումը. Գորան ցեղամիավորումը զբաղեցնում է Իրանի Քերմանշահան նահանգի արևմտյան և կենտրոնական շրջանները: Հարավում այդ տարածքը սահմանափակվում է էսլամաբադ-Հոումեհ-Շոմալի-Հասանաբադ, իսկ հյուսիսում՝ Ղասր-և Շիրին-Ջոհաբ-Հոլուլի-Ջամքան գծով, Արևելքում այս տարածքի սահմանները հասնում են գրեթե մինչև Քերմանշահ, իսկ արևմուտքում՝ իրանա-իրաքյան սահման: Ցեղամիավորումը կենտրոնացած է Գորան, Բանգարդե, Ղալխանի, Ջոհաբ, Փոշթ-Թանգ, Գահվարե, Ղալէ-Ջանջիր, Մալլե-Քարուդ և Քարանդ, Բիվենիշ, Ջեգարլու, Նասրաբադ, Փաթադ բնակավայրերում: Այստեղ գորան ցեղամիավորման թիվը, 1976 թ. տվյալներով, հասնում էր 70 հազարի (Soltani, pp. 321—322)²:

Ցեղերը և կլանները, սոցիալական կառույցի առանձին ուրվագծեր. Ինչպես իրանական և ոչ իրանական շատ ցեղեր, գորան ցեղամիավորումը ևս, ավելի շուտ տարածքային-տնտեսական, իսկ ոչ վաղ անցյալում՝ նաև ռազմական միավոր էր, քան արյունակ-

ցական կամ ծագումնաբանական միատարր հանրություն: Այն բա-
ժանվում է երկու մեծ ճյուղի կամ ցեղի (պրսկ.՝ քայեֆե)՝ գո-
րան-ն, դալ՛է-գանջիրի (այսուհետև՝ գանջիրի) և գորան-ե ֆարան-
դի (այսուհետև՝ ֆարանդի), որոնք էլ իրենց հերթին տրոհվում են
բազմաթիվ կլանների՝ տոհմերի (պրսկ.՝ քիրե), գերդաստանների
(պրսկ.՝ դուդման) և ծխերի (պրսկ.՝ խանվար): Գորանական այս
երկու ցեղերի անվանումներում էլ տեղ են գտել նրանց կենտրո-
նական բնակավայրերի՝ Ղալ՛է-Ջանջիրի և Քարանդի անունները:

Նախկինում գանջիրի ցեղը բաղկացած էր իշխանական գեր-
դաստանից (պրսկ. դուդման-ե դալեթ), որը հայտնի էր Միր-Խոս-
րովի, հետագայում՝ Յասեմի անունով, և յոթ կլաններից, որոնք
կրում էին ընդհանրական՝ գորանի յոթ սուլթանական (պրսկ. հաֆթ
սոլթանե-յե գորան) անունը: Փաստորեն, գանջիրին իր բնույթով
ռազմական-ցեղային համակարգ էր, որն էլ կանխորոշում էր սո-
ցիալական կառույցի ենթարկումը առաջինի պահանջներին: Իշխա-
նական ընտանիքը ղեկավարում էր գորանական աշխարհազորը
(պրսկ.՝ ֆոռուշ), իսկ մյուս կլանների գլխավորները (պրսկ.՝ սոլ-
թան)՝ աշխարհազորի յոթ դասակները:

Ներկայումս գանջիրի ճյուղի կորիզն են հանդիսանում դալ-
խանի (ասփարի և բահրամի խմբերով), քոֆանգլի (երկու ճյու-
ղով) և զահվարե ցեղերը, ընդ որում, վերջինս առաջին աշխար-
համարտից հետո է առանձնացել դալխանիից:

Քարանդի ճյուղը բաղկացած է տասնչորս փոքր ցեղերից,
որոնք կրում են իրենց բնակավայրերի անունները (Soltani, pp.
318—319, 421—423, Ասատրյան 21—22): Ինչպես և գանջիրիի
դեպքում, այստեղ էլ աշխարհազորի անհրաժեշտությունը պատ-
ճառ է դարձել սոցիալական կառույցի՝ ռազմականին ենթակայու-
թյան և, շնայած մեր օրերում ռազմական-ցեղային ինստիտուտի
կատարյալ վերացմանը, վերջինիս թողած հետքերը ակներև են:
Մասնավորապես ցեղապետը (պրսկ.՝ իլխան) միևնույն ժամանակ
կրում է հրամանատար (պրսկ.՝ սարքիփ) տիտղոսը և այլն
(Soltani, p. 466):

Գորան ցեղամիավորման հոգևոր և քաղաքական-ռազմական
իշխանությունների միմյանցից տարանջատումը արդեն փաստ էր
Ղաջարական շրջանում, ինչը, ի դեպ, այս ցեղամիավորմանը զա-
նազանում է ահլ-ի հակվ դավանանքի հետևորդ մյուս ցեղերից:

«Քաղաքական» իշխանությունը ավանդաբար իրականացվում է վերոհիշյալ Ֆասեմի (նախկինում Միր-Խուսրովի) ազնվականական կլանի կողմից:

Հոգևոր կառավարման լծակները իր ձեռքում է պահում Բաբ-գանջի սեյիդների տոհմը (պրսկ.՝ օջաղ-ե սադաթ), որն ընդհանրապես անլի՝ անկղի բոլոր հետևորդների մոտ վայելում է հսկայական հեղինակություն: Միավորման առանձին ցեղերում (ղալխանի, թաֆանգչի) նշանակալից դեր ունի նաև Հելդարի հոգևորական տոհմը: Անհրաժեշտ է նշել, իհարկե, որ հասարակության ցեղային կառուցվածքը մեր օրերում այլևս կորցրել է այն հստակ ու կանոնարկված բնույթը, որ ուներ անցյալում:

Էթնիկ պատկանելության հիմնահարցը.

Ջնայած գորան ցեղամիավորման մասին աղբյուրների շատ հաճախ իրարամերժ ու հակասական տեղեկությունները անմիջականորեն անդրադառնում և դժվարացնում են խնդրի լուսաբանումը, այսուհանդերձ, առանց որոշելու գորան ցեղամիավորման տեղը գորան ժողովրդի կազմում, անհնար է դառնում վերջինիս լիակատար և համապարփակ ուսումնասիրությունը:

Նախ, ընդհանրապես, ինչ չափանիշերով պետք է առաջնորդվել էթնիկ-լեզվական, դավանական և ցեղային այնպիսի խայտաբղետ պատկեր ունեցող մի տարածաշրջանում ինչպիսին Իրանի հյուսիս-արևմուտքն է և, մասնավորապես, գորանիախոս տարրի զբաղեցրած տարածքը⁸: Գորան տարրը մյուսներից տարանջատելու նախապայմանը, մեր կարծիքով, պետք է համարել, նախեառ, գորանիավ խոսելու՝ գորանիախոս լինելու հանգամանքը: Ընդ որում, նման հատկանիշներ, ինչպիսիք են՝ դավանանքը, էթնոնիմը, սոցիալ-հասարակական կացութաձևը, մշակույթի տարրերը, և այլն, պետք է դիտել որպես լրացուցիչ՝ օժանդակ միջոցներ: Ընդհանրապես «դասական» գորան էթնիկ միավոր կարելի է ընդունել միայն ավրամանի (հավրամանի, հավրամի) ցեղը, որին բնորոշ են գորանիախոս (գորանիի հավրամի բարբառով), անլի՝ հակղի հետևորդ լինելը, նստակյաց կենսաձևը, ոչ ցեղային, ավելի շուտ կրոնադավանական սոցիալական կառույցը: Սակայն գորան էթնիկ միավորից չպետք է զատել նաև գորանիի ֆանդուլայի բարբառով խոսող, իսկ դավանանքով՝ տասներկու-իմամական շիա

հանդիսացող ֆանդուլա ցեղը (զանգանա ոչ գորան ցեղամիավորման մեջ), իրաքում բնակվող զանգանա անվան տակ հանդես եկող սուննիադավան ցեղերը, որոնց բարբառը մոտ է ֆանդուլայի բարբառին (Soltani, 242) և գորանիի բարբառներից մեկով խոսող և սուննի-շաֆիի ուղղության հետևորդ բաջալան ցեղամիավորման գերակշիռ մասը (Soltani, 883—884): Գորան էթնիկ տարրի անբաղկոնելի մաս պետք է համարել նաև իրանի Քերմանշահան և Քորդեսթան նահանգներում փոքրիկ կղզյակներով պահպանված գորանիախոս, հողագործ բնակչությանը: Ընդ որում, թերևս միայն վերջինս է, որ լինելով գորանիախոս, միաժամանակ որպես էթնոնիմ (կամ, չի բացառվում, նաև որպես սոցիալական բնորոշում) կրում է զորան անունը:

Արդ, արդյո՞ք էթնիկապես զորան է զորան ցեղամիավորումը: Այս միավորման ճնշող մեծամասնությունը, ըստ աղբյուրների տվյալների, խոսում է ֆալհուրիի բարբառներից մեկով (Soltani, pp. 371, 391): Քալհուրին, հավանաբար, պետք է համարել հյուսիս-լուրական բարբառ (ավելի ճիշտ՝ բարբառների համակարգ)՝ հագեցած քրդական, թերևս, նաև գորանական փոխառություններով: Վերջին՝ գորանական փոխառություններով հարուստ լինելու և, ըստ երևույթին, գորանական սուբստրատ ունենալու հանգամանքը պետք է առավելապես վերագրել քալհուրիի այն բարբառին, որը տարածված է զորան ցեղամիավորման շրջանակներում: Սուլթանին, խոսելով զորան ցեղամիավորման լեզվի մասին, այն բնորոշում է, որպես «քալհուրական քրդերեն՝ զորան բնակչությանը հատուկ բարբառ» (Soltani, 371, 391)⁴: Նման արտահայտությունը, հավանաբար, պետք է դիտել որպես վերևում ասվածի ապացույց: Ուշագրավ է, սակայն, այն, որ հիշյալ ցեղամիավորման մեջ մտնող նստակյաց՝ ռաիյաթ բնակչությունը խոսում է գորանիով (Soltani, p. 326, Soani, pp. 381—382): Բացի այդ, գորանին մայրենի լեզու է նաև զորան ցեղամիավորման հոգևոր տոհմերի՝ սեյիդների համար: Չպետք է մոռանալ նաև այն հանգամանքը, որ այն համարվում է ահլ-ի հակդի դավանական և ընդհանրապես գրական լեզու նաև ոչ գորանների համար:

Իր մեջ ընգրկած էթնիկ զանգվածների տեսանկյունից հիշյալ ցեղամիավորումը կարելի է բնորոշել որպես լուրական-զորանական մի միավորում: Դեռևս Շարաֆ-խանը, խոսելով ֆալհուր տի-

րակալների մասին, նշում է, «ներանց աշիրաթը (ցեղամիավորումը) կոչում են գորան» (Шараф-Намә, с. 364): նկատի առնելով, որ քալհուրին և գորանին չեն կարող նույնացվել (Мпнерский, с. 14) և, հետևաբար, այդ լեզուների կրողներին ևս պետք է զանազանել, ապա «Շարաֆ-նամեի»-ի այս միտքը, որը, ի դեպ, տեղիք է տվել բազմաթիվ թյուր կարծիքների, պետք է մեկնաբանել հետևյալ կերպ. արդեն 16-րդ դ. քալհուրական (լուրական) մեկ կամ մի քանի ցեղեր էթնիկ գորան ցեղամիավորման մասն էին, կամ ավելի ճիշտ՝ իշխող մասը: Այս եզրահանգման օգտին է խոսում նաև այն փաստը, որ Միր-խոսրովը, որի գերդաստանը մինչև օրս էլ գորան ցեղամիավորման իշխանապան տոհմն է, ծագումով լուր, որի մասին վկայված է նաև անլ-ի ապղի սուրբ գրքում՝ «Սարան-ջամում». այստեղ հանդես է գալիս որպես Սեյիդ Մոհամմադի մարմնավորում (պրսկ.՝ մազհար)՝ Միր-խոսրով լորեսթանի անունով: Իզուր չէ, որ դեռևս Սոնը նշում էր, որ «եթե անցկացվեն էթնոլոգիական հետազոտություններ, հնարավոր է, որ գորան ցեղը համարվի ոչ թե քրդական, այլ լուրական (ընդգծումը մերն է—Վ. Ո.) կամ պարսկական» (Soane, p. 381):

Այսպիսով, գորան ցեղամիավորումը իր էթնիկ և լեզվաբանական պատկերով հիմնականում ներկայացնում է լուրական-գորանական պատմական մի հետաքրքիր համաձուլվածք, ըստ որում նրանում մինչև օրս պահպանվել է թե՛ մեկ և թե՛ մյուս էթնիկ տարրը, իհարկե չպետք է մոռանալ նաև փոխադարձ ձուլման փաստերը, որում լուրական տարրը լեզվական առումով «հաղթող» հանդիսանալով, այսուհանդերձ կրում է «պարտվածի» էթնոնիմը և, հավանաբար, նաև լեզվական տարրերը՝ սուբստրատի ձևով: Գորան ցեղամիավորման բազմատարր հանրությունը՝ միավորող թերևս միակ գործոնը պետք է դիտել ընդհանուր դավանանքը, այն է՝ անլ-ի նալդի հետևորդ լինելը:

Հաշվի առնելով այն հսկայական դերը, որը ժամանակին խաղացել են գորանիախոս տարրերը ներկայումս մեծամասամբ լուրականացված (քալհուրականացված) այս միավորման կազմավորման գործում և էթնիկ-լեզվաբանական տեսանկյունից անհնար համարելով այս ցեղախմբի դիտարկումը գորան ժողովրդի կազմում, իհարկե բացառությամբ առանձին խմբերի, այսուհանդերձ առանց դրա մանրակրկիտ հետազոտման, թերևս անհնար է ամ-

րողչական պատկերացում կազմել գորանական հանրության վերաբերյալ:

VARDAN VOSKANIAN

THE GORAN TRIBAL CONFEDERATION

The Goran tribal confederation is one of the most considerable tribal units in the NW of Iran. In this article we make an attempt to separate the concepts of the Goran tribe and the Goran ethnic element. The Goran tribal confederation from the ethnic and linguistic points of view is a very interesting historical mixture of Lurs (Kalhurs) and Gorans (Gorani speaking population), in which the linguistic domination of the Lurs (Kalhurs) is attended with the preservation and dissemination of the Goran ethnonym among the ethnically non-Goran elements of the above mentioned confederation.

Ծ Ա Ն Ո Թ Ա Գ Ր Ո Ւ Թ Յ Ո Ւ Ն Ն Ե Ր

1 Մենք շենք անդրադառնում դորան ցեղամիավորման մեջ ոչ վաղ անցյալում մտած, այսպես կոչված, ջաֆական ֆառյակին կամ ջաֆ-գուրան ցեղերին, քանզի դրանք ունեն ականեր քրդական հատկանիշներ, որոնց անդրադառնալը անտևի է՝ կենկոմ հոգվածի ծավալից (Ջաֆ-գուրան միավորման մասին մասնամասն տե՛ս Ասատրյան, Sotlan)

2 Բոլոր բնակավայրերի, էթնիկ անվանումների, անձնանունների և տեղանիշների համար հիմք է ընդունված ժամանակակից պարսկերենի տառադարձությունը, որոշ բացառություններով միայն:

3 Այս խնդրի որոշ կողմերին անդրադարձել է, թերևս, միայն Գ. Ասատրյանը (էջ 29—30):

4 Ընդհանրապես մինչև օրս վերջնականորեն չի որոշված ֆալհուրիի տեղը իրանական լեզուների համակարգում: Դրա պատճառներից մեկն էլ, թերևս, այս բարրառով կամ լեզվով զրառված նյութերի բացակայությունն է, այսուհանդերձ, հետադոտողների մեծ մասի կարծիքով, այն պետք է դիտվի լուրական բարրառների համակարգում (Курдоев, с. 18):

5 Նկատի ունենք, որ ցեղամիավորման մեջ անընդհատ ձուլվել են նաև քրդախոս տարրեր, որի ապացույց կարող է լինել նաև ներկայումս քրդախոս (սո—րանիախոս) և սուների ջաֆիի ուղղության հետևորդ ջաֆական ցեղերը:

- Sh'ir Q. *Uzmiruşê Kurmanjî: Şîrîkî-Nawê*, Bîç. 1 (2), 1995. 21—30.
 К. Курдеев. Грамматика курдского языка на материале курманджи
 и сорани, М., 1978.
 В. Минерский. Курды. Заметки и впечатления. Г., 1915.
 Шараф-Намэ, т. I, М., 1967.
 V. Minorsky, *The Guran*—BSOAS. 11.1 (1913). pp. 75—403.
 E. B. Soane. *To Mesopotamia and Kurdistan in Disguise*, London,
 1926.
 M. A. Soltani. *The Historical Geography and Comprehensive His-*
to y of Kermanshah'an, vol. 2, 1, 2, Tehran, 1993 (in Persian).